

eust consulté là deffus la mere elle n'en eust pas esté d'auis, les Algonquins ne font encor gueres capables du fainct baptesme, peu de temps apres ce petit Ange s'enuola au Ciel.

Le 20. nous apprismes d'Anons [Aënon] vne nouvelle opinion touchant la maladie qu'il couroit vn bruit quelle estoit venuë des Agniehenon qui l'auoient apportée des *Andastoerhonon* qui est vne nation vers la Virginie. Ces peuples dit on en auoient esté infectez par Ataentsic, qu'ils tiennent estre la mere de celuy qui à fait la terre, qu'elle auoit pafsé par toutes les cabanes de deux bourgs, & qu'au second on luy auoit demandé, mais en fin pourquoy est-ce que tu nous fais mourir, & qu'elle auoit fait cette responce, d'autant que mon petit fils Iouskeha est fasché contre les hommes, ils ne font que se faire la guerre & s'entre-tuër les vns les autres, il est maintenant resolu en punition de cette inhumanité, de les faire tous mourir. Vostre R. me permettra s'il luy plaist de retrencher d'orefnauant semblables contes aussi bien on me presse de tous costez, & on me menace tous les iours qu'on va mettre incontinant les canots à l'eau i'iray iufques ou ie pourray, & escriray [186] iufques au iour de l'ébarquement, si ie n'arriue au terme, quelque autre s'il luy plaist, luy mandera le reste l'année prochaine.

Depuis enuiron le 20. de Fevrier iufques à la semaine de la Passiõ nostre principal employ fut l'estude de la langue. Le P. S. nous auoit deja cõposé quelque discours qui nous auoient grãdemēt façõné dans l'instructiõ des Sauvages; & pëdant le Carefme il nous a expliqué quelques Catechismes que Louys de ste. Foy nous auoit tourné l'an passé sur les mistere